

晨風閣叢書

十三

鳳閣叢書

十一

鹿內集

三卷

藏

內

集

卷

鹿門詩集序

并山川英淑奇麗當塞阨之衝古多豪士事武功健馬

垂光宇內未有鉤錦繡

一作秀

絕擅聲詞翰者君出其中

翕輕清以爲性結冷汰以爲質煦鮮榮以爲詞偏於逸

歌長句駿奔踔厲往往而劇李白杜甫死非君而誰哉

君諱彥謙字茂業咸通二年進士以文章入仕操官履

潔如其爲文晚從王重榮辟從事河中歷蘄絳諸州刺

史所至有能績光啓七年隱居鹿門山以著述爲任與

施肩吾希聖薛能大拙爲詩友而二君皆以爲不逮折

行與交君卒藁多散落予爲輯綴僅二百餘篇黃鍾玉

磬咸其章章者因題曰鹿門集析爲三卷武城鄭貽序

鹿門集目錄

卷上

逢韓喜

夜坐示友

晦亭

歲除

詠月

聞應德茂先離棠溪

松梅二詠

蘭二首

葡萄

春草

漁

留別四首

秋葵

春草

春日偶成

秋日感懷

七夕

懷友

翡翠

詠馬二首

留別

詠竹

憶孟浩然

寄友三首

無題十首

寄同上人

夜坐

弔方干處士二首

題證道寺

題趙岷別業

原上

寄臺省知己

自詠

卷中

遊陽明洞呈王理得諸君

新豐

拜越公墓因遊定水寺有

懷源老

任潛謀隱之作

晚秋中溪

寄陳少府兼簡叔高

過清涼寺王導墓

第三溪

蒲津河亭

毘陵道中

越城待旦

過浩然先生墓

贈孟德茂

秋霽豐德寺與平貞師詠

月

長陵

留別

宿獨留

客中感懷

過三山寺

望夫石

過湖口

夜泊東溪有懷

登廬山

金陵九日

遊清涼寺

高平九日

金陵懷古

道中逢故人

早行遇雪

樊登見寄四首

卷下

春風四首

感物二首

和陶淵明貧士詩七首

舟中望紫巖

九日遊中溪

六月十三日上陳微博士

宿田家

夏日訪友

遊南明山

索蝦

採桑女

還許戶曹

詠葡萄

蟹

敘別

目錄終

目錄

目錄

九日遊中溪

餘暇

二日上陳叔博

補前

題詩

對榮文

謝晴可曹

鹿門集卷上

絳州刺史唐 彥謙 茂業

逢韓喜

相逢渾不覺，祇似穆陵貧。
裊裊花驕客，蕭蕭雨淨春。
借書消茗困，索句寫梅真。
此去青雲上，知君有幾人。

夜坐示友

夜久燭花落，淒聲生遠林。
有懷嫌會淺，無事又秋深。
黃葉歸田夢，白頭行路吟。
山中亦可樂，不似此同襟。

晦亭

東海窮詩客，西風古驛亭。
髮從殘歲白，山入故鄉青。
世事徒三窟，兒曹且一經。
丁寧速賒酒，煮栗試砂瓶。

歲除

索索風搜客沈沈雨洗年殘林生獵迹歸鳥避窰烟節
物杯漿外溪山髣髴前行藏都未定筆硯或能捐

詠月

陰盛此宵中多爲雨與風坐無風雨至看與雪霜同抱
濕離瑤海傾寒向遠空年年不相值還似道難通

聞應德茂先離棠溪

落日蘆花雨行人穀樹村青山時問路紅葉自知門首
蒨窮詩味芭蕉醉墨痕端知棄城市經席許頻溫

松

托根蟠泰華倚幹蝕莓苔誰云山澤間而無梁棟材

梅

玉人下瑤臺春風動輕素畫角弄江城明璫月中墮

蘭二首

清風搖翠環涼露滴蒼玉美人胡不紉幽香藹空谷
謝庭漫芳草楚畹多綠莎于焉忽相見歲晏將如何

葡萄

金谷風露涼綠珠醉初醒珠帳夜不收月明墮清影

春草

隨夢入池塘無心在金谷春風自年年吹遍天涯綠

漁

相聚卽爲隣烟火自成族約伴過前溪撐破蘼蕪綠

留別四首

鵬程三萬里別酒一千鍾
好景當三月春光上國濃
野花紅滴滴江燕語喃喃
鼓吹翻新調都亭酒正酣
登庸趨俊乂廁用野無遺
喜起賡歌日明良際會時
鹽車淹素志長阪入青雲
老驥春風裏奔騰獨異羣

秋葵

月瓣團欒剪赭羅
長條排葢綴鳴珂
傾陽一點丹心在
承得中天雨露多

春草

天北天南繞路邊
托根無處不延綿
萋萋總是無情物
吹綠東風又一年

春日偶成

秦箏簫管和琵琶興滿金尊酒量賒歌舞留春春似海
美人顏色正如花

秋日感懷

溪上芙蓉映醉顏悲秋宋玉鬢毛斑無情最恨東流水
暗逐芳年去不還

七夕

會合無由歎久違一年一度是緣非而予願乞天孫巧
五色紉針補袞衣

懷友

金井涼生梧葉秋閑看新月上簾鉤冰壺總憶人如玉